

國朝畿輔詩傳

國朝畿輔詩傳卷二十二

長洲陶 樑冕薌輯 錢塘吳長卿更生校

袁佑

佑字杜少號霽軒東明人康熙十一年拔貢生

十八年由內閣中書 召試博學鴻詞改

翰林院編修官至春坊中允有雪軒集二卷

毛奇齡序當在史館與杜少分廳起草每窗紙日落必撒筆相對吟一詩然後騎馬出東華門

丙子杜少奉 命主文吾浙官亭把袂共

毛髮容齒大減於昔然猶四顧轢落意氣慷慨

津亭紀程詩若干首其風骨峻上與當日相對

時不甚相遠就其所經無不以承 詔昂目偶

依繩檢為

兢兢也

郇煥元序杜少以清白吏子孫蚤振文譽左史  
百家之書覃思精覈著述宏富所爲詩率木至  
性有趨原於風雅體凡數變每變益工錢劉李  
杜漢魏騷賦靡不具備往往往絲竹繁會中授簡  
揮毫灑灑數千言立就而一唱三歎歸於雋永  
鶴徵錄雲軒侍直南苑著紀事詩六十首才  
調華美大類

唐人絕句

紅豆樹傳詩話己未鴻詞科畿輔前輩以詩名  
者首推龐公雪崖杜少同時顧不甚著今觀雪  
軒集雖不及叢碧山房之多而材力可稱相埒  
錢塘陸次雲評其古風雍穆脩遠觸境生情誠  
爲篤論然集中五七言近體皆有如耐辱居士  
所云語之不難俯拾卽是之致表而出之庶使  
品味者辨乎淄澠聆  
音者審其抗墜也

詠古

鴻鵠巢高林  
鼉鼉穴深淵  
所以龐德公  
棲止適其天  
諸

侯來揖讓妻子耘於前怡然自耕壟富貴等雲烟猶恐  
復相迫採藥竟不還

毛義竟何心捧檄忽色動彼豈志貧鄙而微升斗俸吏  
祿不及釜欣欣心所重曾子匪疎欲詎不聞歌鳳時人  
皆笑之將無天夢夢

雄文似相如未必盡揚雄待詔承明殿勉強賦河東爲  
郎久不遷所遇亦已窮與其美新莽在漢已三公法言  
明道德半與聖賢同謙恭因下士遂爲巨奸蒙惜哉莽  
大夫能豈在雕蟲

稷下談天口一口緇千人所談皆無益曉曉良苦辛何

國朝詩集卷之二  
如苦縣老騎牛西入秦多言懼多敗猶龍不可馴

寄贈孫徵君

遊魚有殊趣鳴鳥有殊音羣士紛逐名先生獨見心志  
匪慕巢由而乃終山林我欲往從之山水何高深

十月一日道中

官路草蒼黃落日牛羊裏野火燒荒原突兀寒烟起滴  
酒奠空墳陳姓拜人子我有先賢壠乃在千餘里望望  
嗟何從樹葉連山紫

遙題萬公阮仍園

東望楚邱城下瞰黃河水中有刺史廬環堵春烟裏過

兩長竹孫參天垂松子五馬嘶高林輝光常如此繼之  
司寇君辟疆植桃李晨夕手遺書蒼巖獨徒倚至今餘  
乾螢子夜光猶起休沐移琴樽賓客隨杖履景山乘白  
雲天狼射弧矢草堂寇不焚榛莽擁城市公子翦蒿藜  
樞牖得就理鳴絃續世德掃榻延知己連屋貯高文馳  
聲徹帝里不羨春申君居然鄒魯士袖攜梁苑編囊  
收鄧林美揖我龍光山朋尊序雁齒醉舞索題詩擊筑  
殊難已翹首問名園何日容脫屣林花相映發有酒多  
且旨散髮歌滄浪頽然吾與爾

賞景康海水仙

嘉卉無俗姿濯水挹其清娟潔遺世立遂邀羽化名屆  
彼嚴肅候履霜知堅冰方屯遽胎秀根乃孕天貞愛之  
種石盎磊磊何縱橫挺幹出嶽脊悠然綴芳英黃爲在  
中質白豈受塵撓淑氣芬如蘭逸態儼天成咄彼洛陽  
花濃豔空敷榮

霜月歎思常東園司李

亭裏月如霜亭外霜如月皎皎牀前憂心不輟我思東  
園慷慨乘軒馬鞍之路路七千夷人椎髻炊蠻烟蛇虎  
殺人莽蒼無邊昔云鬼國不聞有貪泉東園寢食起居  
於此兒啼婦病寒暑五年御井東邊餘一廛旁風上雨

烏鼠數椽耕無牛祭無田事不可知心惻然茫茫者路  
蒼蒼者天侯山處處有啼猿我思東園不敢言

天馬歌

天馬貴直千黃金鳳頸龍文汗溝深  
鴟駉鞴出無人顧垂首至膝塵埃侵  
夕出咸陽門夜涉太行坂鹽車盤盤  
泥沒輪四蹄躑躅羊腸遠嘶天風振  
林木電光霍霍閃魚目飲流山下羨  
白犢嚼勒齧澗草沙寒草不肥崑崙  
上有禾空長五尋大五圍望金臺憶  
赤水風霜漸恐加長齒何時解衣遇  
孫陽一夕爲君馳千里

公無渡河



公無渡河河深不可渡白浪中開天昏日暮湍流激石  
喧霹靂巨魚出沒噴烟霧岸上留公公不住攜壺問湘  
靈雷公龍女不可訴吁嗟乎被髮亂流公何狂河水淺  
處有舟梁

長相思

長相思路漫漫濁漳急水瀉風湍浮雲無定蔽層巒我  
之所思青雲端美人騎鳳啄琅玕寒衣欲從心悲酸素  
施刺馬足枳棘刺馬鞍秋蘭萋萋天霜寒焉能偶之乘  
飛鸞羅帷舒卷空長歎

鳴雁篇

鳴雁飛鳴何翩翩縱橫自矜毛體全刷羽弄紫海竦翻  
盪青天嚙嚙和聲散雲烟銀漢無津梁目極千里空盤  
旋銜蘆雁門往復歸羞同唼唼相因依炎洲施網羅翡  
翠何如斂翅且卑飛滄洲之水可忘饑

### 秦女卷衣

卷衣贈所歡卷衣色比青琅玕贈歡歡不顧遺置金井  
闌卷衣欲泣泣下無聲獨繭絲絲血織成贈歡歡不顧  
雲錦雖美誰識予之多情疇昔裁衣時剪刀犀利不輕  
斷增之一分則恐長減之一分則恐短餘茶如薺甘苦  
寸心豈敢言瘁庶幾知音心搖搖情依依美人徘徊空

卷衣贈歡歡不顧遲暮將安歸

于闐採花

採花棄路旁花開斷人腸  
蒺藜蟠根固花開爲誰芳  
于闐女兒坐歎息朝朝採花復何益  
盤髻壓鬢空新鮮顧影徘徊無人惜  
行行獨還家休從明妃學琵琶  
琵琶學得難回首蕃歌蠻舞且飲酒

君馬黃

君馬黃臣馬青駿足雙發如奔星  
朝刷燕夕秣越奔逸絕塵霜蹄蹶  
君當無疑質之伯樂兩馬同心死生可託

將進酒

將進酒且高歌公孫牧豕鬢髮垂老還來于孝武平  
津封拜竟若何脫粟布被徒自苦何如椎牛且伐鼓人  
生當乘壯盛時英風猛氣對酒卮遺簪墮珥傾一石醪  
然直與無始期將進酒君莫悲三閭矜獨醒鼓枻徒爲  
漁父嗤

### 秋夜長

秋夜長秋月輝輝滿衣裳徘徊不寐戶有啼螿啼螿之  
聲聒人耳我有所思隔千里千里不爲遠東海之濱東  
門之坂所思如可期歲月須之未云晚所思不可期何  
爲鬱鬱空相思

梁甫吟

抱膝獨樂山狂歌梁甫吟歌聲出金石遺響越疎林  
丈夫讀書觀大畧安能吹竽同巴音君不見射鉤夷吾衆  
所恥鮑叔堂阜能知己洗濯泥污飛青天渭川漁獵差  
與比又不見望諸樂君起蒿萊一朝意氣登金臺千金  
駿骨無郭隗鼓刀屠狗空塵埃噫吁戲草木榮落且待  
時人生遭逢何須悲北溟有魚化爲鵬羊角扶搖徙天  
池培風風不起六翮俱下垂榆枋小鳥見而哢隆中魚  
水不相顧梁甫之吟徒爾爲

月下懷友

亭虛偏受月來往獨思君晚飯饑仍嬾秋砧遠更聞寒  
營常採藥多病久離羣不有桓譚出誰能識子雲

病中與諸友

病至真無謂憂來不可名花飛春日色雁帶故園聲卜  
築同巢父尋仙得廣成何當驅二豎好向泰山行

晚宿長清

思歸頻遠眺獨雁過高天塔斷曾經火城頽不記年山  
深風未暖海近月將圓飄泊難成寐挑燈手一編

旅夜

早久風難住停尊且放歌春從愁裏過病向客中多官

柳葉初綠山桃花欲酩何時方息駕  
養酒對青蘿

早發七里河

慈親望子至行役敢蹉跎  
曉色千家樹秋聲七里河  
亂螢隨月度高雁傍星過  
幾處丹山裏如聞白石歌

至邠飲張楓臣竹林分韻

關心愁不減握手病初輕  
藤露三更溼桐陰八月清  
乘槎凌博望倚馬怯袁宏  
歌罷添悲壯笳吹大將營

與汗朱言別

思鄉當十月歸馬帶霜寒  
野館同相憶河流各自看  
著書應閉戶閱世好加餐  
暫坐休辭醉離亭柿葉丹

抵舍

搖落悲秋暮空山又掩扉虛名知己在盛世壯心違九  
月茱萸酒十年蘿薜衣愁顏難自解不爲羨輕肥

訪東園

樵牧生涯在買山各一岑聚螢詞客淚歸雁逐臣心勾  
漏餘丹藥柴桑得素琴野人無禮法來往自招尋

行城南魚窩道中

渡河村落少南北訝晨星鶴怖依禪樹鷗閒宿野亭寒  
梅深破臘凍柳遠含青浩蕩知春近農歌漸可聽

秋霽漫興



登樓開霽色遠近一蟬鳴溼竹含雲氣晴梧作雨聲詩  
從憂早廢病自入秋輕閒讀巢由傳斯人已市名

行舊城道中

故人垂釣處踏雨問前期黃葉三秋路蒼烟五禮碑聞  
雲同客意健鳥趁秋時放眼滄波上樓船唱竹枝

凌玉又有遠行得書念之

我亦求田舍君仍滯道塗盛名多坎壈野館半榛蕪賦  
穩新詩句愁深舊酒壚一年纔一見歲月望中徂

秋霽和崔玉階太史韻

積雨今方歇晴開九月秋星光明水岸樹影挂山樓尚

作他鄉客依然昨夜愁西南多戰伐何處不關憂

初春登北閣送張潛庵遊臨潼

暫對河橋酒春城柳色新蕭條廉吏後飄泊遠遊人挂  
棹方辭越驅車又向秦故園同逆旅回首欲沾巾

汝有探奇癖西來興自賒人情隨道路春色著鶯花韋  
曲多詩侶新豐半酒家朝朝逢折柳忍住在天涯  
歸程應不遠想在麥花秋客路扮榆社家園杜若洲曉  
風吹夢蝶春樹聽鳴鳩酒伴君能訪終南有醉侯

春日遊水月庵

溪橋晴日好渡水問珠林曉樹浮烟出春城帶雪陰鷗

驚遊子夢花發定僧心命僕攜農具閒聽扣角吟

長清道中

古路雙崖斷垂鞭逐馬羣啼鶯當日暮歸雁過春分麥  
望隴邊兩人看山外雲狂來真自放咄咄說雄文

送友人南旋

野棠初放綠送子近河橋此地輕離別何年慰寂寥岸  
雲迷曉樹江雨入春潮應有北來信高天雁影遙

棠棣坡

野樹無邊濶蕭蕭一徑穿石叢留虎蹟沙外見人烟魚  
販三家市鴻飛八月天老農閒剝棗遲客汲山泉

保定僧房

薄暮懸燈後空牀只此身寒雲深帶雨落葉靜無塵帝  
里愁中遠鄉關夢裏頻爭如陶處士老作葛天民

別同學諸君

依依花下酒忽復泣沾巾人客懷鄉土將歸戀故人雪  
霜千里道貧賤一生身此去黃河岸愁看舊釣綸

送錢子璧還江南

別酒臨高館歸人值暮秋山川桃竹杖雨雪木蘭舟開  
閣懸青眼還家戀白頭吳梅花早發遠折問離愁

秋懷

金隄八月黃河水瀑雨奔雷勢欲狂  
濤湧蘆花聲黯澹  
浪搖瓠子氣蒼茫  
九年城郭龍爲窟  
千里郊原鹿作場  
怕聽虛絃哀雁語  
卻愁無計奠金湯

石牀蝶夢自遼遼  
門巷虛傳楊子居  
稼穡三秋收稻黍  
衣裳九月製芙蓉  
經年病肺愁行役  
多事傷心倦讀書  
差喜東鄰朋舊在  
隔窗聽雨摘園蔬

濟南雜興

春來日日旅愁生  
愁向荒原陌上行  
東海人傳天下士  
南樓日縱古今情  
山松當戶月長照  
水鶴穿林夜自鳴  
遙望樓霞新罷戰  
前年烽火正觀兵

山勢平臨近水亭白鷗白鷺滿沙汀柳條待雨仍含凍  
麥意違春未放青翼北九方能識馬濟南一老自傳經  
夜來風起連城響伏枕關心不可聽

月夜遊秋水橋岸

藕花短短葦花齊漁艇秋烟草閣西出寺溪雲隨意遠  
過橋山月趁人低藏書對客常九藥載酒尋僧獨杖藜  
砧杵不聞千戶靜蕭蕭城闕夜烏啼

北郊

白日霜郊開晚霽出門取路問漁罾城陰瘦馬嘶殘雪  
岸口饑鳥立斷冰負水人家千隴麥隔溪烟火一林僧

國朝詩集卷二十一  
十一  
著書應怪經時廢多病於今似茂陵

雨餘得東園書

空谷猶嫌有姓名十年慚媿負平生  
虹飛翠壁垂龍影雨洗蒼山落雁聲  
鼓柰焉知漁父意將書頗見故人情  
無心杖屨西風裏鋤盡蒿藜種杜蘅

酬梁芝三吏部

角巾獨買碧山居人羨山公啟事餘  
詞賦近題梁苑雪音書遠寄汴河魚  
幾年帝里輕回馭何日王門敢曳裾  
見說鶯啼曾有約片帆春雨到衡廬

九日登舊城用曹秋岳侍郎韻

歸路鄉心折大刀，還從此地醉葡萄。  
雲深野壑魚龍寂，風急空林鶴鶴高。  
僧閣雙扉連土壘，人家十里餽山鵲。  
紉蘭忽漫思公子，落帽溪前自讀騷。

飲幼輿齋中賦和

獨鶴盤雲下九臯，西風杖屨背辭勞。  
陶潛自種當門柳，仲蔚無妨滿徑蒿。  
日薄長林留晚照，夜深急雨落秋濤。  
相期共載匡山酒，笑指丹崖翠壁高。

凌玉去燕遊晉歸以詩見贈賦此奉酬

殘菊重陽一醉回，虞卿飄泊正堪哀。  
入春詩夢池中草，落日書傳隴上梅。  
綠野依然遊子去，青山無恙故人來。



五雲北望天高處知是黃金郭隗臺

婕妤好怨

君恩不可冀妾意豈徒傷所願承恩者鷄鳴早下牀

玉階怨

玉階無人行徘徊玉階側皎皎明月輝照見妾顏色

秋日雜興

棗邊柳邊木耳生稻稭畦外小船行暈晴野老方愁雨  
多少荒陂不可畊

紅豆熱時蕎麥花渡橋籬落野人家前溪踏藕聞漁唱  
風動殘荷竹笠斜

長門怨

沉沉宮漏夜無聲半捲珠簾見月明譜出霓裳供奉曲  
避人花下白吹笙

崔如岳

如岳字宗五號雪峯獲鹿人康熙十四年舉人

十八年 召試博學鴻詞授翰林院檢討

獲鹿縣志如岳內聰慧外厚重下帷攻苦髮眉  
盡落康熙乙卯領鄉薦文名大振戊午應博學  
鴻詞科試璿璣玉衡賦并排律二十韻進呈

上大悅擢檢討充纂修明史官用筆謹嚴

九工楷書運筆如

風仍不失法度  
鶴徵錄雪峯著述罕行於世吾鄉沈吏部叔延  
前應禮部試闈中遇雪峯後人詢其遺著云有

詩文等稿次日  
訪之惜不復值

省耕詩

聖主重民事農官占歲祥蒼龍舒異瑞朱鳥煥春陽南  
畝青旗燦東方紫氣昌民間舒疾苦 天上沛恩

光雨露沾人普乾坤福物長旋生歡朴色頓覺耔耘忙  
耕九無他慮餘三有積倉閭閻聞舞蹈俯仰頌虞唐百  
二邦畿重十千緇戶強紉轅輪玉粒黛耜壯金湯督稼  
資軍實省耕籌歲荒島舍佳種至雲拂野花香秀草隨  
時發嘉禾與日芳四郊歌幹止九土荷安康草野勤劬  
篤 仁君愛育彰蠲租欣 曠典履畝賦新章慶

集丹霞迴風和 玉輦翔千官羅淑景多士詠思皇秉  
耒田家子橫經稽古郎爲傳 天子意抒恫矢廢

揚

陳 僖

僖字藹公清苑人貢生康熙十八年薦舉博學

鴻詞有燕山草堂集

居易錄陳僖以古文名河北來京師弔真定梁  
公示余上谷列節紀事敘述甲申流賊之變邵  
同知宗元張光祿羅彥金御史  
毓峒諸公事蹟甚得太史公筆

方象球松窗筆乘藹公豪邁不羣自言生平不  
作無關繫文字 召試入都貽余書有云

素不耳食非目覩不敢信獨於余歎相見之晚  
余奉 使過保定擬造訪之以 王程敦迫不

果

鶴徵錄藹公常受業於清苑高淵穎堯峯集中  
有與論文書謂劉公嚴盛稱其文以為不減古  
人計甫草亦稱其所  
為邊大綬傳等作

陶激贈陳藹公詩往者會讀邊令傳云是保定  
陳子作才雄法瞻有根抵菁英滿前氣旁魄我  
嘗彷彿思其人千里停雲阻河朔今年得遇恒  
山陽斗酒論文慰蕭索憶余為客西復東門前  
車轍無一同高會規矩久蕪沒後人不識般  
工君今著書已踰尺况復身親見兵革一嘆  
笑皆有由豈是尋常老蓬掖莫言上策不見收  
長安少年多傲侯君才如此合貧賤且醉醇酒  
吟清秋君不見江  
河之勢原東流

決絕詞

我生胡不辰遭亂為婦女出門路不識見人羞不語孤

城遭寇侵寇去來軍旅玉石全未分殺人血漂杵夫死  
虜其妻此離失居處被虜強從軍哀哀淚成渚

### 大同懷古

大同舊是雲中地一帶雄邊設險重北控黃沙臨曠野  
東連紫塞接居庸荒屯日落關山月戰鼓聲沈遠戍烽  
昔隸熊羆十一萬於今卸甲盡歸農

一丸封不住幽燕迢遞烽墩創九邊將士貔貅雄甲仗  
軍儲輸輓費金錢悲聲遠播蘆笳曲殺氣高蒸雉堞烟  
傳說龍顏曾北狩使臣血淚灑冰天

聞道將軍更築壇塞門倚劔萬人看戰場殘壘雲猶暗

燐火荒沙血未乾  
舊院琵琶明月冷  
新春花草阜鵬寒  
流風自是凋零盡  
京觀樓臺瓦礫攢

友人至自三韓感賦時又有大梁之行

草堂寂寞奈春何  
舊友惟餘燕子過  
才盡半傾青玉案  
客來新自白狼河  
樽前鷄黍中原月  
袖裏風光塞外歌  
千載梁園今已矣  
驅車且緩渡滹沱

家居雜詩

半廈茅堂一畝田  
恬然高臥便登仙  
禪心坐我蒲團日  
髀肉輸人壯盛年  
疎嬾不歌招隱賦  
經營欲辦買山錢  
長林未識何時遂  
露溼新秋聽晚蟬

戴王綸

王綸字起極又字經畧號一齋滄州人明說子  
順治十二年一甲二名進士歷官江西糧儲道

康熙十八年薦舉博學鴻詞

天津府志一齋工文善書人  
爭寶之晚年詩益進能畫蘭

和彭禹峯見寄

一別龍岡後誰同倒巨觴軍書爭赤白我馬信元黃懷  
土依茅舍平蠻幾戰場天南青瘴極無夢到黔陽  
同爲京雒客永夜倒壺觴蓬蹟終難定河流依舊黃酒  
徒空里社策士有壇場一望沅湘路沈沈老夕陽



章門新秋送客北上因寄龔芝麓年伯

楚天秋色動征櫂北望燕山道里遙此去酒壚誰擊筑  
一時江月正喚簫雲生驛路銅龍曉沙滿關城鐵騎驕  
勞苦中丞高諫議可無書訊下雲霄

悼劉忠骨

當時散髮醉黃墟嵇阮風流尙有無  
臍得遺文堪隕涕  
夜臺何處酒重沽

紀貝

貝字胤庵號仲霽文安人諸生康熙十八年薦  
舉博學鴻詞有桂山堂集八卷

陳儀傳徵君髫齡以穎慧著湖廣督糧道少參  
北愚王公奇其才以女妻之茨庵先生妹也與  
茨庵深相契合肝衡史籍互相切劘宛平相國  
及高太史念侶同時流寓結社會文聲名藉甚  
既而少參殉節於楚茨庵高尚不仕卜築西圩  
徵君九赴棘闈數奇不售 召試博學鴻  
詞亦報罷其坎壞失職輪囷鬱塞之氣  
一發於詩故其詩益進戊子三月卒  
王企靖序徵君車轍馬蹟幾徧天下  
下所至皆有題詠故所傳為最富  
紀昀紀邁宜儉重堂詩序鞏昌太守子湘公及  
兄給諫孟起公徵君仲霽公皆以文藻鳴一時  
徵君九工於賦詠與  
葉子先生名相埒  
鶴徵錄文安紀昀舉鴻博以天  
性疏放恐妨遊覽稱疾不與試

### 流雲訊春谷

流雲訊春谷駛鳥懷靚林所不起長思有如江水深洛

城誇綺縠曲調邁清音  
璆琳耀名都良會披胸襟  
相貽以素愛何用雙南金  
及此花未落爲憐寸草心

秣陵秋日留別王茨庵

江南秋正好江北人初別  
蘆花滿面飛孤棹波中咽  
搵淚指歸雲夕流帆影滅  
魚鳥見留連西風吹斷絕  
蘇李當此時那能心不結

寒食郊行

郊行念流日草色搖青春  
寒食暮天遠疾鳥薄城闌  
豔花待山雨一洗蹊間塵  
縱目送歸雲鷄犬不得嗔  
裁衣作練披慚愧林宗巾  
謾謾松底風爽然懷逸民  
埋鏡于

邱首照見泉下人

過沛縣有作

劉季歌大風授權於巾幗蒞醢及韓彭何事不輕易階  
成產祿禍其勢由漸積可憐戚夫人母子遭虺蜴社稷  
方搖搖兒女漫嘖嘖壯哉朱虛侯拔劍侍前席將種誅  
一人諸呂已奪魄漢祚不可移焉用右袒襦紛紛南北  
軍撫掌陳曲逆

登華山未至莎蘿坪而返

雲氣遮山腰半入仙人掌縈懷數十年茲晨慰景仰石  
徑如箭筈籃輿遠來往身到眼界空峇峴無殊象共指

奇峭處變幻絕頂上帝座不可通明星分霄壤始知天下事畢念在鶴警留著蓮花峯尙作未來想

白下喜晤程穆倩

君昔住廣陵慷慨振風雅客每至紅橋論文倒盃竿妙擅皇象書摹印獨心寫伊川道力深門外多車馬我昨過雷塘蒲汀正初夏泊舫近垂楊士女紛遊冶修刺通故人一一如鐘啞歎彼挾貴資幾日離草野名地無談宗唾棄同飄瓦秋色渡江來相逢石城下龐眉粲然笑牽衣袖仍把檢歷八十餘公實長年者聚散老更稀交情諗真假

雜詠

襖被已十稔敗絮無奇溫覆衣加衾上曉寒透中軒聞  
雞爭起坐冷然禪性存世上貂襜褕多應戀王孫誰當  
裂百幅煖睡老柴門長笑平津侯矯情何足論

富厨厭梁肉貧釜珍藜藿歎彼世上人判然分齟齬白  
首慕隱居所戀在羹臠祇緣年歲稷反覺人情薄枯魚  
欲長呼屠門空大嚼買絲繡平原不如尋丹藥

觀楚漢戰處

遂鹿中原郡樹兵英雄並起立壇盟王侯將相詎有種  
壯士死則舉大名公等皆去吾逝矣安能鬱鬱久居此

山澤隨蒸五色雲東南王氣生天子項羽橫征目欲瞋  
嗜啞叱咤廢千人由來學成萬夫敵將軍共誅無道秦  
戰士呼聲動天地破釜沈船乘銳氣諸侯皆從壁上觀  
衆將膝行莫仰視沛公先已入咸陽漢運初興秦氏亡  
豎子不足與謀事富貴偏思歸故鄉經營天下五年內  
七十餘戰無不利四面何爲皆楚聲泣下數行騶不逝  
身死獨憐不肯東漢家乃得奏奇功天心厭亂蓋已久  
擊筑空勞歌大風

秦箏曲仿沈隱侯體

合座酒酣愛繁聲玳瑁移寒指痕輕十三絃影轉春鶯

轉春鶯鶯乍語迴柱雲列雁序

中夜

老話侵中夜微霜落半秋黃花知月令白髮戀人頭丹  
粒應難熟笙歌最易休弦光渾未溼桂影壘山樓

秦州雜詠

玉門千萬里飛鳥去仍回山自崑邱蠶河從積石來羌  
人咸內附邊郡復新開隨路郵亭少征鴻祇獨哀

隴城雨中卽事

山郡易爲雨河湟便有秋野人收燕麥羌地出犏牛紅  
鳥窺籠語孤猿帶樹愁五原聞暮吹大半唱涼州



雨中聞雁

宜向衡湘去翻從汧隴飛關雲聲斷續山雨影依稀似  
語三秋客相迎八月歸雁門知不遠寄信報柴扉

南發留別子洲季弟

行年將七十客路更三千白首留長鋏青山問薄田在  
家同逆旅隨地可棲禪避暑知何處華陽洞口邊

現在

現在貧居士前生老比丘那能追向詡只可似黔婁白  
髮何時變青山往日遊著書還未就真乃負窮愁

無題

夢不嫌吾老  
遽遽悉故人  
有因奚著想  
無幻卽爲真  
襍被三更月  
禪牀半夜塵  
盧生誰喚醒  
開眼悟迷津

曉山上人

幢花迦葉再生天  
淨業沙門自妙年  
智永書名皆是法  
貫休詩格總歸禪  
雲流梵閣繙公案  
月照松關註內篇  
不有阿難真定慧  
孰從座上現青蓮

東航九舅挽詩

九仙忽隕少微星  
七十春光入杳冥  
壯節談兵輕白袷  
中年愛道註丹經  
幽懷蘭雪琴生潤  
逸勢鴻鸞字有靈  
病似巢人同抱恨  
誰能執筆誅山亭

重陽後一日雨中感懷

把酒臨風進羽卮  
雲棚蘿架半離披  
雨多九月寒應早  
花失重陽開已遲  
一自累旬尋藥裹  
更從何地問禪期  
晚年欲受菩提戒  
綺語猶慙江總持

茶烟

碾就龍團穀雨前  
乳香雲腳逗輕烟  
煎茶原有真三昧  
品水常思第一泉  
只可焚香供客坐  
不妨對酒向琴邊  
倘逢陽羨人爭問  
茗具新窯畧已全

九日

黃花白酒住柴桑  
冷雁淒雲九月霜  
只有義熙陶靖節

年年甲子記重陽

橫汾別

歸程心折雁門秋  
紫霧黃塵澗水流  
滿地蛩音愁客聽  
迴腸端不借箜篌

李瑞徵

瑞徵字中峯容城人  
康熙十五年進士  
十八年

薦舉博學鴻詞官  
廣西荔浦縣知縣  
有篋餘草

一卷

徐元正序中峯負光明俊偉之氣嘗學於孫徵  
君受知於熊次侯蔣虎臣兩先生已未詔舉  
博學鴻詞臺中以中峯名列薦刻乃復謫於數  
奇今沈鬱下僚復以宏昌調補荔邑歷險涉灘

烟嵐雨瘴向之窮愁憤發捉鼻微吟者愈不覺燕雲慷慨洩露筆端鶴徵錄先生學問該博嘗與修畿輔通志惜未見其遺著

秋夜讀書

古人竟何之見此秦時月落照青簡端冠履若飄忽澹對不相聞秋風天籟發欹枕研至精凜冽砭吾骨鬼神能害名漏洩受天伐蒲柳畏先零燕石守金闕何用此營營華簪寵短髮

辛酉冬澤州署中柬王仲昭

伊昔家大阮翼楫浙江潮南中多偉人齒馨惟仲昭曾探帳中祕開卷走風濤緬懷二十載車弓同見招而我

拙巷遇一笑各分鑣只今向潞澤行囊掛酒瓢聞君蓮  
花幕抗情在雲霄投刺而按劍寒燈坐寂寥慷慨賦歸  
與馬鳴風蕭蕭

古意

桃李好顏色不如松柏心况結平生歡譜之蘭與金棗  
絕果何意含情自沈吟願借明月光展君綠綺琴抱月  
彈流水哀怨激商音焉得秦樓鏡渙然開素襟

和崔文宿中翰

百慮紛於市誰能似太虛閒心常寄酒得意不關書池  
養青青竹益容小小魚恐燕方寸地階草定須除

袁杜少中翰秋試

獨步紫微署名傳五字高冰銜官近冷筆甕氣猶豪捫  
腹餘三篋投綸戲六鰲峯青江上句不是鬱輪袍

憶夢哭崔宮詹先生

聞騎箕尾去萬里若爲親談塵無知已囊琴欲贈人夢使

者攜傍勞工部夢敢認巨卿真尙有高堂在還憐撒瑟  
晨

閩中有感

金臺市駿已成塵滿眼驅黃認未真爭羨迴甘同啖欖  
獨憐作爨似勞薪捫胸文石仍無恙照夜珠光自有神

借問峯青江上句當年物色是何人

讀王陽明先生遊瑞華詩愴然有感

高詠陽明賦瑞華投荒生死實堪嗟萬山風雨迷歸鶴  
六尚苗狼笑種花身不益民空螻屈志存經國尙匏瓜  
挂冠欲去頻搔首又恐逋官累室家

王方穀

方穀字金粟新城人貢生康熙十八年薦舉博

學鴻詞

春陰

漠漠天氣陰遙遙樹光綠顧此索居人微陰愜幽獨早



聞春水生風動澄潭曲何處曉鶯啼脚躄望林谷

國朝畿輔詩傳卷二十一終

國朝畿輔詩傳卷二十三

長洲陶 櫟鼻薊輯 寶坻高繼珩寄泉校

魏荔彤

荔彤字賡虞號念庭一字淡菴柏鄉人裔介子

官江蘇常鎮道有懷舫集三十六卷

四庫全書提要懷舫集三十六卷魏荔彤撰荔彤有大易通解已著錄是集凡詩十二卷又續

集詩九卷別集詩六卷偶遂草兩卷紀恩詩一卷外雜著三卷雜曲一卷彈詞一卷末

附自述一篇蓋仿揚雄之作然所云手註九古經望道窺一貫發微言明大義不落前儒窠臼

云云自負亦不淺矣

柏鄉縣志荔彤十二歲補弟子員十三歲入貲為中書舍人選任鳳陽郡丞奉命自備資糧賑

饑山左活民數萬口以優叙授漳州守採米穀以裕民食建書院以振土風修官署輯郡志膺卓薦分守江常鎮崇道署臬篆半載所在有聲形力學不倦自經傳及諸子百家皆有心得註

解甚多詩

詞三十卷

別裁集觀察為文毅公子嗜古學勤著述詩歌雜文不下數千章今鐫板俱散軼矣祇存平時

記憶二章見鱗爪

可想像雲中龍也

紅豆樹館詩話淡菴以貴介居廡任而詩筆淡遠無腸肥臍滿語盡得力於陶韋者所著大易

通解十五卷深剛堂與不墨

寫舊說尤說經家之圭臬也

述懷

白月挂屋角霜風落晚圃索居愧無營行吟玩歲暮哀  
笛發清商空堂寒欲雨蕭蕭四壁來秋聲在簷樹彭廡

理齊觀百年總朝露行樂及芳時丹砂古貽誤

感時

太平五十載羣情尙通融相期渾圭角遂爾成世風

堂廉重咨傲浮沈將安窮屠釣多高隱曠野集哀鴻悵

望  
君門遙誰爲誦二東

擬古

微風起樹末深堂自仰偃開書見古人我情忽已遠黃  
農沒旣久頽瀾何代返世味幾曾嘗行傷歲月晚按劍  
始片語獲報在一飯胡爲百年間恩怨日往返

地以美難處名因盛可諱今人棄淡泊所志在富貴蔚

然天外雲灼彼林間卉誠堪邀世羨風霜亦足畏

吹門樹高柳半欹閒綠雲雨餘風月涼蟬聲入晚聞十  
年故交少垂羽感離羣往事一回首空嗟世變紛行行  
蓬華中身隱焉需文

曝書晴簷下鋤藥雨畦中吟哦抒風抱非言詞賦工草  
堂敞虛牖長夏多好風伏枕唱新詩取笑同舍翁曹劉  
不復作此道久蒿蓬

中山途次

黃沙十里緩歸鞭水匝孤城草接天覓句全憑驢背力  
看山不費杖頭錢雲攜疎雨征衫溼柳黯春原落照縣

絕少玉阿鳴紫陌豪華慚愧五陵賢

夏日田家

榆柳濃陰築麥場溪邊花發野芹香柔桑葉老蠶將繭  
菘芥泉深稼欲荒農飯平阡山日午牛眠新樹晚風涼  
田家終歲勤耕織作苦何人繫念長

早發任縣陰雨

疎林一抹淡烟平童僕凌晨戒曉行雲渡海天含雨氣  
鵲巢喬木識風聲野人早散山村市澤草春生水畔城  
欲息勞肩住西嶺山光泉韻謝浮名

題沈歸愚萬峯獨立圖

峯峯卓立斷躋攀  
筇屐迢遙烏道間  
試問此翁登眺後  
何人更上萬重山

馬陵道

戰壘千秋沙草平  
更無殘戟礙春耕  
荒城夜半喧雷雨  
遠似當年萬弩聲

張霖

霖字汝作號魯菴撫寧人  
歷官福建布政使有  
遂閒堂稿

天津府志霖幼歧嶷讀書十行俱下為詩古文  
詞卓然成家由歲貢生歷官福建布政使家饒  
於貲推解不倦中緣事落職遂構問津園為優  
息地招大江南北名流觴詠其中如梅定九朱

竹垞姜西溟查夏重趙秋谷諸前輩咸主其  
家時人擬之月泉陸社玉山草堂差不愧云

寄懷念藝弟時在皖江

江上不宜秋秋容動深省南岸楓葉丹北岸荻花冷天  
空無碧雲雁字排高影舉頭送鴻雁目斷關山迥豈不  
羨奮飛同羣苦未整吳江接楚江愁思徒耿耿

何林

林字雲壑宛平人歷官揚州鹽運使有彌年集

感舊

襄陽大隄水出自漢中來上經麋子國下達沔陽隈合  
流爲江漢晴川在其埃大隄女兒全勝花中間合沓萬



人家我年少壯曾來此喪亂經過空歎嗟復聞江漢紀  
南荒昭邱弓劍徒埋藏楚王宮內織腰女景屈公家多  
國良只今彌望東流水莫為江魚厭武昌

永豐舟中

容與扁舟發愁中烟草多十年驅瘴癘此日對江波鵬  
翼難同擊鷗羣莫厭過頻看章貢水日日動盤渦

歲晚漫作

素居五度雪來時一片羈愁祇獨知歲暮却同人易老  
花飛常與客俱遲長安曙景疑先到十載風光悔欲追  
零落樓遲空被酒緩歌長短不勝悲

漫詠東張瑤倉

騷人不棹五湖舟  
試眺會無王粲樓  
九問天高多莫應  
七哀人遠少真憂  
越吟莊鳥元因病  
蠻語參軍不自由  
楚舵吳檣知見否  
山陰亭畔幾清秋

梁允植

允植字承篤號治澗正定人貢生官福建延平

府知府

畿輔通志允植知錢鼎縣性明敏有幹濟甲辰  
閩變總督李之芳移鎮三衢巡撫田逢吉督兵  
城守咸以允植爲才命佐軍興調兵食支應滿  
漢大兵解餉解火砲鈴彈軍器前後運用船隻  
計萬有八千餘號夫役不計其數俱出召僱民  
無怨咨遷袁州府同知題留以同知攝縣事

平糶延平  
府知府

鳳凰山懷古

鳳凰山下草莽莽危巖石激溪流響宋家宮殿此山隈  
薄暮秋風會俯仰當日中原尚可圖何事偏安傍海隅  
李綱建策終遷謫宗澤渡河徒大呼朱仙橋頭曾轉戰  
風波亭前燐火現矯詔班師白日昏誰遣金牌十二面  
區區江漢僅圖存鳳凰山下敞金門北闕樓臺開紫極  
西湖歌吹起黃昏屢見潛龍飛朱邸國是紛紛難俛指  
禁錮豈爲真小人乘釣誰作偽君子小康百有四十年  
王侯春晝散輕烟一夕江濤北風起又見滄海變桑田

海上樓船憤世傑，齷齪孤忠縣日月。正氣猶傳丞相歌，  
秀夫空自揮丹血。山頭麋鹿走宮牆，苑柳鴉啼臺草荒。  
我來披棘尋遺址，一片寒烟下夕陽。

新晴對月同王青城魏漢章家雪麓兄

新晴風乍暖，明月澹幽衿。入座浮梅影，依垣落竹陰。  
三春良夜話，萬里故鄉心。談劇衣裳溼，渾忘露氣侵。

桐廬道中泊舟候張東太不至

維舟芳草岸，帆影亂澄江。山市斜通渡，巖花豔到窗。  
狎人鷗泛泛，掠水燕雙雙。信宿期良友，孤懷對酒缸。

蒲坂早發

鴉飛城闕靜，霜色曉淒其。  
野濶烟浮遠，山高日出遲。  
依雲看古寺，覓徑繞村籬。  
東下黃河險，湯湯無盡時。

贈房興公進士

弱冠才名大山居，奉老親憐君真孝子。  
成父作忠臣，紙貴東都日，花看上苑春。  
梁公元舊業，切莫悵清貧。

秋懷

搖落吾徒道日非，疎情應與世相違。  
喜看俠客芙蓉劍，學製騷人薜荔衣。  
已分青氈甘懶慢，何妨白眼看輕肥。  
棲遲燕市悲今昔，易水蕭蕭木葉飛。

崔岱齊

岱齊字青峙平山人貢生官湖南長沙府知府  
有坐嘯軒瑣言

乳燕

尙憶燕初歸桃杏花滿目薰風自南來吹我槐柳綠巢  
乾燕雛成嗷嗷聲在屋覓食何殷勤更番去來速分飼  
乘至公循序各意足風雨不辭瘁曉暮期衛宿羽成教  
之飛相將往而復含靈愛其子意乃厚且篤因之感慈  
鳥反哺酬鞠育觀此燕引雛蓼莪我宜細讀

除草

新草尙嬌春滋蔓增夏熟葉長色蒼鬱根深體盤結嬉

遊徑俱荒沿堦石半沒荆棘鉤衣袂雨露霑履襪蚊蚋  
生聚蕃毒蟲據爲穴遂使君子心及此思翦伐鳩工三  
令申奮勇羣力竭約以兵家律齊以步伍列淺蕪猶任  
指旁搜佐之鐵岡地奏成功坐見汗萊絕爽豁眼界清  
暢遂心怡悅閒行步無礙白石光復潔始知勤集事矢  
念貴果決去惡須務盡勿使潛萌蘖古來鋤奸人剛斷  
稱明哲除草雖細微可以施銜繼

揚子江觀濤

天下奇觀海門潮疊如山聚疾如飈黃山亦有雲凝海  
灑氣茫茫迷真宰二者人爭羨未若揚子江濤險且幻

源遠流長勢自雄倏忽之間千萬變目搖心悸難名狀  
北固金焦屹相向石激水怒濤漸起渦旋下接黃天蕩  
威雄詎借石尤風力猛自挾千尋嶂雪峯鱗砌齧晴空  
天馬攢奔踏雲浪後先爭逐積逾高巨細分呼吼益壯  
閭闔震撼疑動搖地軸輪轉成簸盪吞鯨鬣怒觸櫓檣  
噴沫遠濺沾衣桁長年色變祝鬼神一葉輕舟隨下上  
幾使人生七尺軀無端輕許江魚葬拘儒乍覩心胸開  
仁人側隱轉生哀擾擾天涯名利輩行路之難如此哉  
漫向人誇湖海客風波陸地人難測小溪垂釣何安然  
結茅深山老亦得



春燕

就壘歸南國相期二月天  
拂塵沾柳露戢影入花烟  
雨細疎雲外風輕野水前  
頻頻窺繡幙逸語代傳箋

金山寺

山寺江心立孤危不可升  
樹搖波底月雲護定中僧  
塔影連帆影漁燈繞佛燈  
醉游奚慮險新設石欄層

送黃介伯歸遂安

山城烽警憶追遊將伯曾  
煩借箸籌客裏看雲懷故國  
風前折柳送歸舟十年交誼  
心能吐一帶江峯篋可收  
頓有雙魚春易泛好衙尺素  
過揚州

送侯屏山懷山歸闕

木蘭坡上草離離，秀影依稀映墨池。  
顧愷山川宜寫照，王維兄弟盡能詩。  
客中歸思同雲遠，江畔孤帆帶月移。  
一片隋堤楊柳色，那堪又折向南枝。

隋堤步月

隋苑繁華半已非，隋堤烟月自清暉。  
紫簫團扇曾同照，錦纜牙檣何處歸。  
水浸一天星影動，風搖兩岸荻花肥。  
堪憐廿四橋邊柳，惟有鷺鷥向夜飛。

移榻

移榻中庭趁晚涼，微風輕送野花香。  
蕭然高臥渾忘暑

多少流螢繞畫廊

題畫

雲鴻數點過汀洲  
滿目蘆花烟水浮  
柳外忽聞漁唱起  
扁舟獨釣一江秋

客館見燕

牆外桃花開未開  
繞廊行處獨徘徊  
惱人春色偏無賴  
又送雙雙燕子來

李文秀

文秀字奎瞻易州人  
貢生官江蘇如皋縣知縣  
有楚吳偶吟

詩觀使君宰雒皋廉慎自矢神氣  
怡然形於歌詠知爲溫恭君子

除夕雒皋署齋對酒作

青陽布惠澤萬物咸昭蘇足信天地心未定榮與枯嗟  
予宰劇邑三歲頗勤劬戴星急公程飲水志不渝雖無  
赫赫功父老則已孚燕薊北鄙人賦性原拙愚幸得這  
罪戾寒梅照冰壺冉冉星紀流茲歲又告除逋債苦煎  
迫家人相嗟吁解顏慰童孺何用此區區枉道不可爲  
前賢有令模不見沍寒盡春風吹衣裾

送項嶠雪同年歸嘉禾兼呈曹秋岳夫子

幾日郵亭把濁醪嚴風急雪打綈袍興來忽憶鴛湖社

寒劇偏乘楊子初歲暮燈深江閣掩春花人擁越山高  
知從倦圃時遊讌爲說微官久二毛

張袖雲

袖雲字子錫磁州人康熙間貢生官廣東始興

縣知縣

磁人詩明府性至孝在通許時迎其母至學署  
朝夕視膳比遷始與母年齒已暮距家六千餘  
里不能迎養而孺慕不衰不  
一載鬱鬱以沒聞者傷之

江干野望

磯頭閒注目秋水碧盈盈龍臥寒潭寂虹飛斷岸明菱  
歌驚鷺起塔影印波清何處芙蓉發幽香撲袖生

孫芝蔚

芝蔚字豹文號淡廬磁州人官雲南姚安府通

判

磁人詩公修髯如戟目光似電音  
如洪鐘深得少陵詩法惜不多作

散步

著屐攜筇踏淺沙西峯遙望鎖殘霞  
春傷舊日頻遊地酒問前宵半醉家  
溪上長吟悲往事林閒無語妬歸鴉  
年來衣逐緇塵化欲結方袍禮釋迦

陳寅

寅字靖共大興人官知縣有主一堂集

詩觀使君慷慨英  
琴詩高逸不羣

聽友人彈琴

長日幽齋靜薰風簾外來  
調高林樹響聲徹石泉開  
指上飛濤瀉雲間獨鶴回  
曲終人未散落照滿蒼苔

午日次白溝

野館逢佳節開樽倍苦辛  
獨來龍戰處試看馬蹄塵  
薄醉過沙雨孤吟老客身  
秦淮燈舫月偏不照離人

金陵懷古

虎踞龍蟠古帝州  
長江依舊向東流  
六朝歌舞秦淮月  
百戰興亡燕子秋  
宮闕齊梁迷故土  
亭臺王謝總荒邱

年年畫舫遊人醉誰聽中宵杜宇愁

過勞勞亭

一望斜陽起暮烟荒亭餘址草連天驪歌久已消官道  
斷碣空存紀晉年入眼江花傷過客懷人春酒滿離筵  
依依尚有長堤柳幾處臨風倍黯然

曹 釗

釗字靖遠豐潤人鼎望子貢生有鶴龕集

豐潤縣志釗性恬靜詩酒自

娛有鶴龕集翦波詞行世

詩觀都下人士一時競稱三曹三曹者冠五大  
史及長公靖遠次公賓及也太史高雅靖遠英  
舉賓及秀冲皆  
擅詩家之勝



雜詩

少歲矜意氣肝膽向人豪豈知杯酒間談笑生波濤譬  
彼蠅蚋蟲所在集腥臊一朝黃金失棄之等秋豪古來  
管鮑儔貧富如一操丈夫重知己豈爲生死撓壯哉掛  
劍客千載涉風高

文殊院看鋪海

冒雨宿高巔雨歇天風吼夜半落松聲崖谷虛能受潤  
僧鋪海奇僧云初霽後曉起披衣看濃霧堆窗口須臾  
海勢成一望烟雲藪旭日動微光品熒天欲剖蕩蕩波  
濤翻隱隱帆檣走天都與蓮花對峙如培塿其餘盡淪

茫滄桑信非偶回首問同人變化真奇否

雪中吟

孤坐寒氣森擁爐把書讀  
眞色暗簷楹涼風動茅屋  
入暮冷逾加蕭騷戛庭竹  
吟就轉淒然推窗望林麓  
不知起何時紛紛舞滕六  
碎玉碾長空冰花綴頽木  
隔溪三兩人蓑衣雪中牧  
村橋迷酒帘炊烟冱遙谷  
儼鳥喧鄰園啞啞還逐逐  
萬樹齊作梅千山渾似禿  
傾樽呼濁醪聊以慰幽獨

紫翠樓春望

斷岸縣千尺人家帶夕陽  
野烟低覆水春草細生香  
對

酒情偏劇題詩興轉狂息機看燕子來往爲誰忙

翻書

閉戶却塵慮翻書覓韻題晚雲斜挂樹秋雨亂鳴溪得  
失應無礙窮通未可齊竹雞何所慕恰恰向人啼

紫竹林晚步

別有幽棲境禪房竹徑饒樹交晴作雨溪漲晚添潮就  
月移山榻逢僧坐石橋靜聞仙樂發天路豈迢迢

荏平道中

山空愁無雨畿東又苦蝗客心常耿耿天意只茫茫汗  
滴征衣溼塵飛大麥黃故園應有夢昨夜到漁場

保定道中

絡繹畿南郡征塵接塞長  
人家依稷黍風俗想陶唐  
草暖分波綠沙頽壓水黃  
年年種楊柳不見夾官牆

鍊丹臺

振袂凌雲表登高望海門  
松曾經太古石尙記軒轅勝  
跡傳丹竈空山老白猿  
乘風還一至疑此是崑崙

指月庵

地偏人蹟少屋對亂峯開  
月放千巖雪松喧萬壑雷  
誦經馴虎至洗鉢豢龍來  
引興隨高袖長歌日幾回

薊門

燕山五月麥田秋黃雀翩翩綠樹稠遠塞關河雲外轉  
諸陵風雨望中收時無做賦閒雞犬路少烽烟散馬牛  
獨有薊門橋下水年年無語自東流

豐臺看花自柳村歸飲祖將軍支芳亭

四月溫風綠正齊柳村村外遠招攜流鶯聲老仍啼樹  
野菜花香不辨畦園叟逢人勞指點樓臺到處有攀躋  
歸雲一片拖殘雨回首西山望欲迷

霜華

霜華歷歷下庭柯坐久幽窗暗薜蘿風雨慣能欺客枕  
烟霞端不負漁蓑閒情賦罷人思酒短札裁成雁渡河

滿目征塵何日息邯鄲道上塞雲多

秋夜感事

蕭瑟唯秋夜何堪雁又鳴邊亭吹草白落日壓山晴孤  
枕來寒杵深宵託短檠寥寥鄉信隔的的月華明葉下  
梧桐影城高箴策聲茱萸期九日蟋蟀恰三更短髮消  
閒帙長懷憶友生無錢驕杜甫有志切匡衡霜拂吳鉤  
冷風嘶代馬橫蝸名生計拙雞肋壯心輕蠱塊看孤劍  
昂藏付酒鎗流連太傅詠直欲起袁宏

覽鏡

尺蠖不成龍尺水不成浪覽鏡莫沈吟本乏封侯相

春遊

春雲薄似羅  
春色濃於酒  
落日衆山低  
牛羊滿谷口

獨立

獨立秋江寒  
波光倏明滅  
鷺鷥抱何愁  
頭白亦如雪

卧雲庵

山雲不用招  
日供老僧卧  
有客入扶筇  
撥雲僧夢破

曹 鈞

鈞字寶及號瘦庵豐潤人  
劍弟貢生官內閣中

書有瘦庵集

豐潤縣志鈞鼎望仲子美丰儀善屬文尤精繪  
事隨父守新安讀書黃山之桃花源以明經仕

內閣中書舍人王成隨  
扈從南巡有燠庵集黃山紀遊  
扈從明年

東巡紀畧筆

薛養正圖等書

圖繪寶鑒續纂賔及諸生時好書畫與  
到寫梅花道人頗得淋漓淡宕之趣

### 舟中

晴日動林泉漁人蕩輕舫扁舟隨意放巖花齊欲吐村  
疎烟火稀山深樹石古遠望列羣峯一一青可數

### 漁陽道中

平原空帳望故國已荒邱獵犬穿林出灘聲抱石流月  
明燕嶺暮霜結薊門秋尙欲停車問悲笳動戍樓

### 歸懷



指顧平原憶舊遊  
偶然乘興一登樓  
蕭疎短鬢三年夢  
寂寞長江萬古愁  
看世擬逢青眼客  
移封願得醉鄉侯  
西風蕭颯吹黃葉  
搖落寒林樹樹秋

再遊黃山

三入黃山今又來  
諸峯偏向故人開  
林深夏帶深秋氣  
瀑瀉晴喧巨壑雷  
烟雨半沈春藥井  
雲霞全護鍊丹臺  
莫言竟日無多路  
選步應知爲惜苔

水自回環徑自分  
看山豈惜往來勤  
烟鬢黯淡將梳雨  
石齒峻嶒欲鬪雲  
曲邃若非親閱歷  
幽竒端不付傳聞  
峯峯千仞堆寒玉  
初闢何人運斧斤

老女怨

白髮鏡中生紅顏不再好未作並頭花翻成寄生草

曹 鈐

鈐字冲谷豐潤人鈐弟官理藩院知事有雪窗詩集

雨中對瀑復觀龍潭水漲

驟雨剽然至烟霧失長空千峯蕩微影飛瀑垂玲瓏深潭忽怒沸疑是蛟龍宮響聲振林樾雪浪生寒風躡足心欲動舉首搖雙瞳下觸石骨碎上與銀河通誰爲開鑿力吾將問洪濛

伏日同伯兄詹菴松茨消暑

何處攜尊酒東臬舊草堂  
雨殘沙路細風軟藥苗香  
巢燕非時出山蜂底事忙  
老親憐弱稚歡喜故相將

入山曉行

竹與隨徑轉蘿薜挂烟霄  
石險偏橫樹溪回屢渡橋  
霧收方見日雲聚卽成潮  
瀟灑紅塵外青山認寂寥

入紫翠林

人多穿洞出路狹礙枯藤  
怪石如迎客山猿不避僧  
疎林飛瀑落絕壑亂雲蒸  
素有登臨興梯霞上百層

坐響雪亭

山湧濤千尺晴堆雪一溪雨隨雲去住烟接樹高低路  
盡疑天逼峯尊與日齊掃苔聊獨憩摩壁好留題

登文殊院

嵯岬開線路杖履莫辭難嵐氣千岩雨山風六月寒石  
欹防客過松古學龍蟠縱目遐荒外方知天地寬

黃山

古木枯藤路不分徜徉麋鹿自爲羣山僧煮茗松間話  
仙侶吹簫月下聞嵐氣滿衣渾似雨水流觸石自成紋  
欲知軒帝歸何處須問孤峯頂上雲

曹鈗

鈴字孝符號菴菴豐潤人貢生候選訓導

唐壽鵬傳菴菴幼隨父首望任姑蘇讀書之外  
惟耽默坐間出其撰述宿儒皆歎不及父卒歸  
里屏弃語言文字冥心四子書思路斷絕則取  
先儒語錄證之其治經參用漢書每多心得

遊披霞山

落日紅雲帶鳥飛重來登眺坐松扉秋林寒渚千村晚

山寺無人月送歸

賈穆

穆字蘊冲南宮人官房山縣訓導祀鄉賢有瘦

仙裔人詩稿

繼輔通志穆性至孝事繼母能得其歡聰穎夙  
學凡經史子集莫不編摩成賦行文如做歌

詩歌兼壇唐宋以歲貢司訓房山甫至卽製詩  
祭賈島墓著有樊桐山樵文稿瘦仙齋人詩稿  
奉和鄭韋巷

分野知何許福星來使君上都縣節鉞下土望霓雲願  
聽尙書履來看仙尉墳一樽房邑酒乘暇且論文

楊自牧

自牧字謙六號預齋昌平人官江蘇華亭縣縣  
丞有潛籟軒稿

詩觀謙六沈酣風雅詩英剴無凡近氣又謙六  
詩其悍得邊塞之氣居多今且往雲間事峨松  
矣此地多名彥起而唱和  
于棧山泖水間知不孤也

流沙寺

迤邐白浮堰舍利塔相并其寺曰流沙建置自皇慶邈  
矣四百年不見金象盛荒園野色入破壁夕陽映碑文  
半在土毀蝕亦難認相傳有積金祇園或可證盛衰亦  
人爲空王祇靜聽因之念浩劫但禮山僧磬

暮秋遊峒峒厓

萬壑隱孤秀峯頭羽士家縣流疑騰雨落葉亂殘霞蜀  
峻秋陰伏山空暮景斜何人自西嶽移種石蓮花  
晚坐空山寂樓危怯獨依青林寒佛火白月淨巖扉細  
把藤花酒重添薜荔衣三更扶杖去高詠謝元暉

涿鹿懷古

涿鹿連沙漠長歌憶古人樓桑曾起蜀督亢未歸秦天  
地多秋色山川幾戰塵往來南北路側望一傷神

滹沱河

抱地連恒嶽排天下雁門板橋危動影沙岸迴踪痕北  
望雄流駛東歸巨浸翻只疑風雨至佇聽蕭心魂

途中重九

馬上過重陽征途景易傷野雲千里白秋草一川黃作  
賦悲遊子登高望故鄉遙知三徑菊空自抱幽芳

劉諫議祠

諫議祠堂入草萊獨傷往事思難裁裴韋是否求賢相



李鄭如何謀國才雲暗曲江千古淚風流象郡兩鄉哀  
他人制策成灰燼曾喫紅綾餅餽來

秋夜思家

故園歸計惜蹉跎殘暑初消白露過清角孤城知夜寂  
寒蛩四壁覺秋多愁中短夢悲難就客裏流光奈促何  
臥起張燈還獨坐空將九辨數吟哦

王建衡

建衡字起莘威縣人貢生官昌黎縣教諭有任

卷詩集九卷

四庫全書提要續史辨惑王建衡撰是書成於  
康熙四十一年雖以讀史爲名而考其所引實

坊刻鳳洲

綱鑑也

赴沛不果 時大歉

捆載詩書上小舟  
今春準擬作東游  
帆開汶水移花岸  
路入梁山問酒樓  
到日定知幽興滿  
新篇還與故人酬  
無端荒歉因循甚  
潦倒行裝又過秋

寄宋柱石

三年沛上悲秋客  
別後詩情近若何  
花岸不辭行處遠  
柳風偏愛醉來多  
也應高唱隨鴛鴦  
未許長吟到薜蘿  
聖代卽今需獻納  
好將詞賦奏 鸞坡

劉獻

獻字子賢號八夫磁州人康熙初貢生官泌陽縣訓導

文殊臺觀瀑布

五老峯巔匹練裁飛騰百丈自天來波翻潭底千岩動  
影落松頭萬仞開異彩挾風同掣電潮音噴雪似轟雷  
歸時欲做大癡筆圖向蕭齋作溯洄

孫芝禱

芝禱字文徵號蝶僊磁州人候選訓導有腴古

齋集一卷

磁人詩公賦性瀟灑帶焚香靜坐筆牀茶甌  
詩囊酒瓢備具一室畫花竹草蟲俱稱絕品

牛山遠眺

天爲人問作畫圖南巢爭說小姑蘇登高四望真奇絕  
三面青山一面湖

張楠蘧

楠蘧字子遜號訥庵磁州人候選訓導

方苞張母李孺人壽序子遜先生經明行  
修以廩生韻書成均需次銓曹不樂仕進

中秋對月感懷

人生能得幾春秋花甲而今已一周不斷淒音蟲聒耳  
似憐孤影月當頭中年頻灑西河淚末路誰分伯道憂  
願借白鸞傳此恨綵鈴飛遣下瓊樓

張橋恒

橋恒字子久磁州人榕端弟康熙間貢生官延  
津縣教諭有積力齋百詠

和檀度寺僧元韻

臨淮名勝地偶此駐行驂  
帆影沿江市鐘聲近水庵  
紅塵銷短鬢白業淨秋潭  
喧寂雖殊况清言許共探

國朝畿輔詩傳卷二十三終